



PROTOCOLO COVID – 19 MATERIA DE MÚSICA

Rocío Souto Louzao

curso 2020-2021

MEDIDAS PARA GARANTIR AS INSTRUCCIÓN RELATIVAS AO COVID 19 NA MATERIA DE MÚSICA

- Os **alumnos de infantil e 1º e 2º** non realizarán a materia de educación musical na aula de música, xa que o tratarse de nenos máis pequenos non garantiríamos que realizasen unha correcta desinfección do material empregado e das súas cadeiras, podendo poñer en risco o resto de alumnado de primaria que si irá a aula de música. Realizaremos as clases na aula de titoría e a mestra de música levará o material necesario (instrumentos musicais, fichas individualizadas, xogos individuais...) sendo esta a encargada da posterior desinfección e posta en corentena do material empregado. Ademais, os alumnos traerán un instrumento de pequena percusión á aula (unhas claves, feitas con material reciclado ou compradas), para facilitar a interpretación instrumental nesta etapa educativa.- Para o alumnado de primaria que si irá a aula de música, na entrada da aula hai unha mesa onde está o **xel desinfectante** debidamente sinalizado. Todo o alumnado de educación primaria terá que botar o xel de desinfección antes de acceder á aula.
- Para o alumnado de primaria que si irá a aula de música, na entrada da aula hai un dispensador de **xel desinfectante**. Todo o alumnado de educación primaria terá que botar o xel de desinfección antes de acceder á aula.
- As **cadeiras** están colocadas individualmente a unha distancia de 1,5m de acordo coas instrucións remitidas pola consellería de Educación. Cada alumno terá un sitio fixo asignado. Deixarei na miña mesa un plano co nome e cadeira de cada alumno, por se algún alumno non o lembre ou por se se producise un contaxio facilitar os compañeiros do seu redor. A entrada á clase será progresiva de un a un, para poder manter a distancia social estipulada.
- Cada alumno desinfectará a súa cadeira antes de marchar da aula. Abandonarán a aula progresivamente en fila de un en un mantendo a distancia de seguridade.
- Na aula de música, coma no resto conto cunha **papeleira de pedal** onde o alumnado poderá tirar os panos unha vez feita a desinfección da súa cadeira sen necesidade de tocar a papeleira coa man.
- Os alumnos teñen **prohibido** tocar calquera material de música (instrumentos, mobiliario, carteis, lapis, cores...) así como cadeiras que non son as súas.
- A aula estará **ventilada** sempre que as condicións meteorolóxicas o permitan, e unha vez rematada cada sesión de música permanecerá ventilada durante 5-10 minutos, antes de recibir ao seguinte grupo.
- É **obligatorio** para todo o alumnado que entre na aula de música traer posta a súa **máscara** así como o estoxo para gardala en momentos específicos como ao tocar a fruta doce.

- **Non se compartirá ningún material** de música, como lapis, bolígrafos, tesoiras...cada alumno deberá traer o material necesario para levar a cabo as actividades musicais.

- Queda **prohibido**, por tratarse dunha aula de uso común para varios grupos educativos, colocar ningunha prenda de roupa nos **colgadores**.

- Respecto o mobiliario elimináronse algunhas cadeiras e estantes, para facilitar que os alumnos/as estean o máis separados posibles, ademais coloquei unhas colchonetas a modo de biombo para que o alumnado non toque os instrumentos de percusión indeterminada e os instrumentos que están situados nas estantes quedan cubertos con unhas sabas para evitar a tentación de que o alumnado se achegue para que soen.

- **Non se realizarán** as actividades de **movemento**, é dicir, bailes colectivos, (tanto os nenos de primaria como de infantil) posto que non se garante a distancia de 1,5 m no espazo da aula, así pois non terei en conta este aspecto á hora de avaliar. Sempre e cando o tempo o permita, poderemos realizarlas ao aire libre no patio.

- En canto as actividades de **lectoescritura**, serán individuais, onde a mestra poderá entregar fichas ou material individual para cada alumno sen poder ser este compartido cos compañeiros, para evitar contaxios. Se realizamos algunha actividade na **pantalla dixital**, a mestra será a encargada de desinfectar antes e despois de cada alumno o bolígrafo desta.

- Podemos utilizar os **robots** do centro para traballar os aspectos de lectoescritura pero realizarase sempre a nivel individual asignando un robot concreto a cada neno e realizando a posterior desinfección e corentena dos mesmos antes da utilización por parte de outro grupo de alumnos.

- No que respecta á **practica instrumental**, posto que se recomenda non compartir instrumentos, evitaremos compartir os instrumentos que hai na aula de música, polo que ao inicio de curso pedinlle ao alumnado de infantil, 1º e 2º curso de Educación Primaria que traian sempre na mochila un instrumento de percusión indeterminado, concretamente as claves, por tratarse dun instrumento pequeno e fácil de conseguir, de feito, envíelle información para poder elaboralas con material reciclado sen necesidade de compralas para facilitarlle ás familias a súa adquisición. Así cada alumnado terá o seu propio instrumento e permitiranos realizar patróns rítmicos e outras actividades de interpretación instrumental.

- Para poder levar a cabo a práctica instrumental coa **fruta doce**, sempre que as condicións meteorolóxicas o permitan, poderán tocar a fruta ó aire libre coas medidas de distanciamento social. Non obstante, se as condicións meteorolóxicas non o permiten, aproveitarei un recuncho da aula en fronte da porta de música (que deixarei sempre aberta), que non é transitada pois a aula está ó final do corredor e non hai máis aulas de titorías nin especialidades, onde un alumno se colocará de costas ós compañeiros para tocar unha canción se fose necesario nun momento dado. Deste xeito garántese así a

distancia de 3m que especifican as instrucións do COVID-19, pois tocará sempre de costas aos compañeiros impedindo ningún tipo de transmisión.

- Se nalgún momento tocamos **instrumentos da aula**, será a mestra a encargada de repartilos e unha vez interpretada a peza musical, serán desinfectados.

- Para poder realizar a **práctica vocal** conxunta, o alumnado permanecerá nas súas cadeiras coa distancia establecida e realizarana coa máscara. Poderán realizar práctica vocal individual (un por un) colocándose do mesmo xeito que para tocar a fruta, garantindo así as indicacións COVID estipuladas pola Consellería de Educación.

- A parte de **discriminación auditiva** realizáremola a nivel individual, estando o alumando sentado no seu sitio e gardando a distancia establecida. Tamén a poderemos desenvolver mediante xogos individuais.

- Ademais atenderemos as medidas protocolarias establecidas polo equipo COVID que teremos en conta por exemplo para ir ao baño, podendo ir só un alumno e facendo especial fincapé no lavado de mans e desinfección das mesmas antes e despois de ir ao baño.